

In-Brief Aktividade Fulan Abril to Maio

Aktividade Fulan Abril

Aktividade importante Luta Hamutuk nian iha fulan Abril mak community Briefing nebe sei realize iha loron 20-23 Abril 2010. Aktividade community briefing sei hala'o iha distrito Oecusse, sub distrito Pante Makasar no Oesilo, iha suco hat (4) mak hanesan tuir mai ne'e: suco Naimeco, Usitacae, Bobometo, no Bobocase

Total partisipante iha briefing ne'e hamutuk 200 ne'ebe kompostu husi lider komunitariu sira hanesan xefe do suco, conselho do suco no comunidade. Materia mak sei apresenta iha Community briefing ne'e mak hanesan Reserva mina no gas, Kontratu fahe produsaun, Fundu Petroliferu, Orsamentu Geral do Estadu no EITI.

Objetivu husi briefing community ne'e atu empodera comunidade ho informasaun kona ba rikosoi no Orsamentu Geral do Estadu Timor Leste, atu nune comunidade sira bele hatene prosesu dezvoltimentu industria mina no gas nomos Orsamentu Geral do Estadu iha Timor Leste. Objetivu seluk mak ho informasaun hirak ne'e povu bele husu transparansia no akuntabilidade ba Governu mak sai hanesan gestor ba sira nia rikosoi. Objetivu ikus mak bele hasae partisipasaun comunidade ba iha dezvoltimentu nasional.

Aktividade iha fulan Maiu

Aktividade importante Luta Hamutuk iha fulan Maio nian mak Seminar nasional kona ba **“VANTAZEN HO DIZAFIU DIVERSIFIKASAUN INVESTIMENTU FUNDO PETROLIFERU”** iha loron Terseira Feira dia 04 de Maio 2010. Objetivu husi seminar Nasional ida ne'e mak *primeiro* : Atu lori ema sira nebe mak iha koñesementu, kapasidade no esperensia nebe diak konaba dezvoltimentu Fundo Petroliferu atu fahe sira nia matenek no esperensia mai ita, *Segundo*: Rona hanoin, planu no saida mak Governu atu halo konaba Diversifikasaun Investimentu Fundo Petroliferu ne'e, *terseiru*: Loke espasu ba debate publiku konaba Diversifikasuan Investimentu Fundo Petroliferu ne'e no mos buka atu hare lider comunidade sira nia preparasaun atu simu risku ba investimentu mak hetan falla ne'e.

Oradores sira mak atu kolia iha seminar Nasional nee mak hanesan: **Sra. Emilia Pires, Ministra Finanças RDTL**, nebe sei kolia konaba *“Politika Diversifikasaun Investimentu Fundo Petroliferu”*, **Sr. Abrão Fernandes de Vasconcelos, Diretor Geral Banco Pagamentu de Autoridade Timor Leste (BPA)**, sei kolia kona ba *“Dezafiu Diversifikasaun Investimentu Fundo Petroliferu iha merkado Finanseira”*, **Membro Parlamentu Nasional Kommisaun C**, sei koalia konaba *“Enkuadramentu legal ba Investimentu Fundo Petroliferu”* **Sr. Mari Alkatiri, Eis Primeiru Ministru RDTL**, nebe sei koalia konaba *“Estrategia Divirsifikasaun Fundo Petroliferu”*, **Sr. Mericio Juvinal dos Reis, Diretor Luta Hamutuk**, sei koalia konaba *“Prespektiva Luta Hamutuk ba Investimentu Fundo Petroliferu”*.

Total partisipante hamutuk 150 nebe kompostu husi Autoridades Lokail sira, Membrus Parlamentu Nasional, ONG's Nasional no Internasional, Embaixadores, Australia, Indonesia, Portugal, Brasil, Malaysia, Cuba, UNI EROPA/EC, Membrus Stakeholders EITI, Ministeriu Planu e Finanças, Sekretariu Estado Rekursu Naturais, Autoridade

Banku Pagamentu (BPA), Autoridade Nasional Petroleum (ANP), Membrus Konseihlo Konsultivu Fundu Petrolifera (KKFP), Repezentantes Partidus Politikus, Fokal Point Luta Hamutuk, Repezentante Universitarius, no Media.